

劉氏族譜

龍門墨田

國朝氏族

3

天池公德配鄢孺人傳

歲戊寅余膺

簡命涖閩綏簿書之暇間訪民風詢土俗遇有以節孝著者不禁心喜而表揚之越二年辰適門下士學生劉子德純述其母節孝實行云壽也屢六袞請給匾額為身後光顧之曰冰室為心且巧為立傳爰珥筆以述之孺人氏鄢邑西鄉處士鄢雲友公之女幼嫻姆訓每聞古媛操行心甚慕之兼習女紅勤紡績早已嘖卜人口及笄作嬪墨田儒士劉先龍字天池龍故儒族代有顯達舊以詩禮世其家嘗勸龍讀相夫子以柔順夫出繼事夫之繼父與母孝養唯謹尤事夫之本生父母能得老人歡心舉凡醪鹽榛栗饋問周旋併離筐蠶績婦職女紅所宜重者罔或稍曠家素豐田連阡陌遍屬膏腴勤儉自持曳履樸素無何年世有餘龍抱疾不起與鄢為夫婦者不多年遂爾鶴琴掩涕鸞鏡封塵孺人欲死相從未得也忍苦以撫孤七甫三歲熒七子立兼以老姑在堂予不終養孺人朝夕詣酒食姑寢疾躬侍湯藥左右不忍離姑愈常稱於人曰非媳鄙病幾不有生以姑族黨間賢聲藉甚為擬少君焉夫天下明大義全大節者動稱鬚眉丈夫今以巾幗歷數十年清操雪灑以卒守志孝養老姑以終餘年更能和丸畫荻撫令子而身列成均若孺人者亦可以傳矣吳日桂萼蘭芽孫

枝秀挺環列堦除而良有司官吏請於

朝廷以沐旌表隆 恩固其宜也是爲傳

昔

乾隆庚辰歲臘月上浣日

鄉進士出身特授福建邵武府建寧縣知縣庚辰歲

恩科同考試官加五級紀錄五次記大功二次韓琮撰

恭祝

劉府文穎尊翁之德配李太君六十榮壽序豐與綏鄰疆也其山川繡壤相接其
鈴鐸相聞其媼姪賓朋眉壽冠喜相贈答以故兩邑之嘉言懿行無大小隱顯
父老薦紳之家類能言之而且過其虛拜其祠觀其儼雅之遺容與其所置爲
車服禮器猶能一一悉數之此固非但耳之有聞而實目之可見也歲丁酉余
歸里涉跡武彘道經綏邑七之侯章勉成博文尊賢有宓子高風余徃造焉道
土風民俗外津七稱綏之人文不置頃有劉子謙士適至見其循七雅飭似老
成人心竊竒之嗣後復

命備員石渠今年春勉成致書京師發篋知爲劉謙士尊慈李太君六十榮誕
屬余爲序余思謙士爲名家子賢哲林立泉之甘者嘗其源而信其流木之美
者驗其本而識其枝稽先之名儒則曰剛中始好老莊荀楊之書晤考亭而盡
返前習登嘉定四年第築室琴軒著有師友問答西漢竒語若干卷行於世
考其先之義士則曰予玠平居退焉若不及迨其見義必爲則又能人之所難
能者嘗置田數百畝與給族黨類列先賢矩範忝之已意以教誡其子姪曰
行好事做好人足矣苟富貴非吾志也美其先之孝行則曰民先屢甯初累與
計偕不合慨然曰吾親老矣不可缺養於是家居朝夕服事唯謹

朝廷嘉其賢特奏釋褐大夫人年九十果以

恩榮封崇安君時以爲榮里劉氏世多顯者若元與明慨不具載今劉君玉樹琪
花繽紛玉立池館臺榭參差美麗而且架有奇書門多長者朝規夕誨靡有倦
懈我不作時可卜也孺子諸郎不作亦時可卜也是其守先人之遺澤而不墜
書香者乎長君蔚若習陶朱倚頓之術倉箱富有克守三世昔卜式言治家之
道可通於治天下出其餘貲以上佐

朝廷今邊事孔亟諸公類皆有用於今日之器亦卜式之所以爲端也而況閭里是
其效先人之慕義好施而不自封其財者乎而又五桂齊芳孫枝並秀雞鳴定
省寒暑罔倦不待奉檄不鷄黍爲歡不藉菘綵而親承色笑一門之中其樂蠲
也也是其體先人之敬親而不匱其孝思者乎予不禁詡也嘆曰難兄難弟人
知之矣非此母無此子其誰知之乎太君令德令儀久著鄉邦事堂上人粥也
噫謹相夫子靜好爲宜無何琴瑟中乖太君持家益嚴朝夕零襍之務果臝日
用之費靡不由其指畫而展親周困又未始不竭從優裕雖身履素封而自處
泊如也性情福德無不本於貞靜慈敬其於壽也固宜自此而海屋添籌月恒
川至又寧可限其福澤之綿綿哉然余觀葛覃卷耳爲婦人之詩先儒獨稱其
勤儉孝敬專靜純一之志而不誇其已富已貴之赫奕也曾南豐爲劉向叙列

女傳必推其本于以爲胎教視聽言動皆大人之事爲有道者之所畏餘亦有
關人倫世教之大端則女之能有大小而饒耕舉案之事有不必傳者固多矣
若李太母庶於關雎之行無愧矣乎請以此復勉成之請且爲大君歌而臧之
句

崑

皇清康熙五十八年歲在己亥麥秋月穀旦

賜進士第欽授翰林院檢討年家眷侍生湯俊頤首拜撰

民國壬午年重修

郡庠生劉翁孕川端翁行畧

翁諱冲姓劉字孕川號淵亭世居墨田理學剛中公之十九世孫碩德吉庵公之冢子也自幼魁偉聰敏宛然神仙中人始就蒙師即能以孝經問難師甚竒之既長善屬文下筆千言立就浩七蕩七如長江之波海門之潮勢不可遏及遊泮水屢試前列間亦爲詩歌以自娛積書勤讀雖霜晨雪夜未嘗或廢也是所謂敏而好學信不誣矣事椿萱以孝凡晨昏定省靡敢或懈卽酒食衣服洎沐浴梳櫛之具亦必自奉以晉書曰惟孝友於兄弟其翁之謂乎家素足於財晏如也且樂周人急至於建橋修路凡諸善事更亟七而爲之者以故宗族鄉黨間有好施之譽焉方擬翁也出仕朝廷定能移孝以忠君勤讀以佐政好施以愛民乃孰知倏爾不歸惜乎年三十二而卒未獲大展厥才不無遺憾於九京也悲夫初翁德配徐孺人者獅峰象周女也素嫻內則琴瑟和諧奈產而不育者數矣翁欲急獲見後嗣恐爲不孝之大者於是抑鬱憂思病傷於內延醫莫瘳遂不能起適徐孺人生孤兒纔半月而翁則長謝人間世矣然而節哀忍痛矢志撫孤得延翁一綫之祀者有賴於徐孺人也翁其含笑地下哉夫以翁之博學孝友如此未獲接魏科官高年豈非天平雖然將見其子若孫沐翁積善之慶必有餘澤之應焉茲值翁家譜牒重光余忝屬

戚末雖未得挹丰姿然耳翁淑風深嚮往爰爲祀其大畧庶幾潛德幽光不至湮沒於無聞也且使後之人得以動高山景行之思焉爾

昔

乾隆五十一年歲次丙午冬月

辛酉拔貢任臺灣縣儒學教諭年家姻眷弟徐時新頓首拜撰

節母徐太孺人傳

節母氏徐廩膳生承範之玄孫郡庠劉翁冲之德配也秉性淑慎善女紅勤紡績聞古媛操行高潔輒健羨而願學焉及笄歸冲翁荆釵布裙以篝燈佐良人讀故得操芹泮宮暨事堂上人唯敬唯謹寒暑罔倦當是時也正思挽鹿車同事二老以終餘年無何琴瑟中乖冲翁年三十二竟飄然仙逝矣而節母孀孤兒甫旬日遭此大痛哀號不已幾欲絕粒以從夫死於地下然未得也既而始自悟曰死易立孤難昔程嬰之對公孫杵臼也豈虛語哉况舅姑景暮桑榆其誰爲之奉養於是節母乃強起撫孤以存夫祀餽親承歡以怡二老若此者歷三十餘載如一日然親族播紳咸欲上聞當事請旌表其閭節母慨然不悅曰夫死不再醮禮也孝養舅姑職也撫孤守節志也未亡人豈幸矣死以邀榮哉蓋欲不越乎禮無忝乎職得遂乎志足矣試耶此凜上教語在鬚眉尚難能見及何一旦聞於巾幗中節母其賢也哉爰爲之傳以垂後世

云 昔

乾隆丙午之冬月

鄒進士文林郎知雲南普洱府寧洱縣加三級紀錄四次

年家眷翁陳圖頤首拜撰

恭祝劉府孕川媼侍翁之德配節母徐太孺人六十大壽文

蓋聞桃開千載實爲王母之花雲響入璈知是仙人之樂宮名延壽 天子每
尙祈年錦築長生 后妃恒思永命然而滄桑世改幾見海屋添籌藥井泉留
誰是嫦娥奔月必有德斯能斂福惟盛節庶可卜年故養老貴乎多金而黃髮
乃云積慶恭惟 節母徐老孺人名門閨秀疑爲天上石麟世族賢媛不數
皇宮博士守貞待字邀金犢於天祿之門援筆成文牽紅絲於樂山之第坐部
不新厝祿爲名而一溫卽鏡臺總由才重姿情林下盈心絡秀豐標禮著閨中
奕七桓君矩步進棗栗而高卑合體堂上怡顏捧盤匝而敬接如賓良人拭目
解瓊瑤之雜佩親挽鹿車潔次常之醴饒無慚齋日雙丸苴蔻成都粉紙紛披
百軸葡萄河北冰紈錯落牙籤刀尺襯筆格以珊瑚著碗爐香佐硯田於奎壁
乃琴方調而音忽變簫正合而鳳先飛傷心案上金題空遺懷中玉燕 孺人
強起操作節哀者爲愛孤雛飾貌承歡恐痛者恐傷二老豎以當戶襜而持衡
僮約精勤法躡石慶鈴戒周匝嚴比姬姜陶令母之延賓不矜蟬鬢韋夫人之
課讀日下紗厨以故玉樹亭亭一枝挺秀於雲縠蘭芽馥馥雙枝拔翠乎饒山
衫封故稅依然駟馬於門滋太姊妙尊爲家督戚里倚若長城此正鬚眉之所
讓能巾幗之所罕觀者也時維子月歲在季冬彩雲自十島飛來黃鶴從三山

繞至媯星夜度知絳甲之初週鳧朝臨看班衣之軒舞康強逢吉姓固註乎
 蘭臺履素懷清褒應頌自魏 闕萱庭日麗玳筵孟晉干觴眉壽山高錦悅光
 呈五色題箋學士盡抒黃卷之詞燃杖老人來效華封之祝况余與陳君誼兼
 葭末慕切珩璜仰通籍於德門喜推恩於二室玉梅紫蒂寒香表冰骨之貞金
 炬銀花火樹証延齡之果遐福偕百丈嶺峯永奠景運同九曲溪水長流矣

昔際

皇清乾隆四十八年癸卯歲仲冬月

穀旦

賜進士文林郎南昌府儒學教授前知直隸順天府順義縣事隨帶軍功加二
 給紀錄三次年家姻眷弟唐辰頓首拜撰

二弟維賢行狀

亡弟諱人定字維賢號在人行三邑廩生幼聰穎父母愛之就塾七八歲未經訓誥者即能以意揣迨壯歲卓然成家直造古人之域而優入其關於前輩一無所倣大致於成化爲近其標格清踈淡遠真能一二語勝人千百彙生平得意之作毋寥々無多言而觀者比諸太羹元酒有遺味者矣李學使季瑩閱其卷謂短章不能增減一字周明府晴初評其文謂簡潔老到自是斲輪妙手但非墨裁所宜嗚乎此其所以諸生終也性嗜靜默一切紛華遊戲之事縱極熱鬧皆所不欲觀暇則獨抒亡意手創用器凡百工匠之所能者類無不能見者徃々稱奇與人交接罕言語每稠人廣坐衆大聲碾々獨唯々聽受而已然偶有所言一發傾坐即諧語亦令人絕倒意氣溫厚和平終其生未嘗一大聲色於人人聞其歿世也僉謂其魂魄定爲神焉尤篤於天性嘗觀其自父母棄養後每展卷遇有父母字輒流涕而不忍視於兄翁友愛無間緝性素暴不能自裁每因事加以怒言亦罕有反以相隙者教子讀書不甚嚴而所教皆成名且若易然長子學海年甫冠卽受知彭咏莪學使并刻其文編爲考卷惜乎不幸而天未竟其材也次業農耒教之讀三芳冊初應試卽受知中隴亭太守拔爲第一人送院籍學時年未及冠也四之冕縣府試亦疊列前茅使非因粵事之

擾學使不得按臨者八年則列膠庠亦多時矣其餘四子半業農半幼讀以緝
觀之其幼子更岐嶷有造也孫二俱髫髻秀顧教之何如耳昔年老友黎衛廷先
生語緝曰予觀令二弟所出善教之讀書皆能有成績亦私心慙之然所貴乎
成者在立業不在釣名昔閔子馬曰學猶植也彼夫上承霽露下蔭沃壤深根
固蒂茂實而載華立業也崇枝葉舍根莖逐一時花艷滿揀而歸釣名也立業
雖小愿久不拔釣名雖大其稿可立待矣盖本實先忘也是說也緝嘗語以教
諸子今尤不惜辭費焉倘諸子輩因是讀父書而更知所本則庶幾克繼 父
風緝亦藉以告無憾於亡弟矣亡弟得年僅五十有八同治元年六月十六日
申風暴病而卒卒之先日薄暮與緝相嚮而立於大門之外片刻各無言而別
不圖竟自是而永別也噫同懷兄弟緝涕泣狀

四弟偃聲聞堯傳

四弟天性孝友亦饒幹畧少年練達年十八出買河南厚載而歸也而見其兄在人又籍學復有志於名場爲八比文以癖於好古不合時尙屢試屢躓凡所筆作類能探索古人意旨自樹標格顧每好爲悽憤悲咽之音以消其抑鬱嘗作飛絮影賦以離恨空隨江水長爲韻辭其悽惋其終篇云想到殘魂片影總是蒼茫熊師藕亭先生見而異之反覆吟誦不能置謂佳則佳矣但非英年所宜後偶遊家山陟其巔愛其形勝定爲身後窀穸地不數年遂歿而塋焉塋之戚行年僅四十六是地高挹羣山俯瞰大溪四弟棲魄其間山高水長有恨真與之終古予思念其爲人憶其所作賦每一登壟輒淒然欲絕題哀辭於其墓碣云一度登臨一斷腸殘魂想到總蒼茫緣何早作斯邱識離恨空隨江水長

同懷長兄思緝撰